

雲谷雜記

蘇子知

好學

PDG

雲谷雜記敘

雲谷雜記。宋張昞撰。清乾隆以前各家書目未著錄。僅明文淵閣書目載云。一冊。無卷數。乾隆時。從永樂大典中輯出。分爲四卷。又以奏狀題跋等八篇。作爲一卷。附於書後。標曰末卷。用武英殿聚珍板印行。其後海山仙館叢書卽據此本刻入。今所流傳者。均出自大典之本也。張氏籍貫履歷。四庫提要中已述之。曾寓紹興。成績施宿會稽志八卷。其他著述未見。

一九一六年冬。周君預材語予。京師圖書館藏明初鈔說郛殘書數冊。其中第三十卷內。有雲谷雜記數十條。子曷借鈔校讎。爲之整理。予卽從之。凡四十九條。先取陶珽說郛校之。則陶刻本以聯句所始、人事物、蒜髮、關羽印、無置錐地、稱臣呼卿、稱萬歲、崔豹、斷屠、有功漢書、檄書露布所始、竹之異品、佛書、刀耕火種、鐘鳴漏盡、孝宗聖德、二赤松、諡號、五大夫、禮部韻、堯九男、二洪崖先生、阿堵、後漢人亦有二名字、酒名齊物論二十五條。別標名曰東齋記事。下署宋許觀撰。而雲谷雜記一書中。則載臚句傳、紫蓋黃旗、玉帳、月令字誤、書後押字、太祖達生知命、上祭于畢、藏金石刻、神道、飲茶盛于唐、門下、櫻桃、木劍、溫公得人心、登聞鼓等十五條。壽山艮嶽一條。雖仍署張昞撰。而別列爲艮嶽記一篇。不知陶氏何所據而敢擅撰書名。妄標著者如此也。再

以大典本校之。與大典本同者。計二十九條。其中壽山艮嶽一條。首尾詳備。較大典本所載爲完善。大典本所無者。計有臚句傳、玉帳、月令字誤、太祖達生知命、此條大典本亦有一節。略而不詳。上祭于畢、登聞鼓、無置錐地、劉歆顏游秦有功于漢書、檄書露布所始、魚雁傳書、黃庭經第二條、竹之異品、佛書、燕脂、五大夫、二洪崖先生、阿堵、酒名齊物論、蔗字、避忌諱字等二十條。自獲此益之後。更知舊鈔本之可貴。乃發心搜求明鈔說郭殘本。俾成全書。以復南村之舊矣。

詳校與大典本所同各條。均鈔本說郭爲善。而壽山艮嶽、太祖達生知命二條。詳略相去尤甚。豈當時雲谷雜記有不同之本。大典南村。各有所據。抑輯大典時。清臣疏略刪節耶。今皆無據可證。第大典輯本。既較鈔本說郭尙少二十條。而說郭所收。又非全書。則張氏此書。亡逸必多。此則可爲定案。不獨張氏跋中所云秋寺雨聲一條。各本未見已也。

予校此鈔本既竣。須全錄大典四卷本以冠之。其中與鈔本相同諸條。則刪去之。俾不重複。更爲標名造目。以便檢查。蓋大典本原無標題。而鈔本則有標題。故逐條以意補之。既畫一。又便造目。諒閱者能許之也。卷數則仍大典本之舊。而以鈔本四十九條。分爲兩卷。名之曰補篇。此書或可云備矣。至張氏之學。及是書真義。則四庫提要已詳言之。不復贅敘云。一九一八年三月海寧張宗祥記。

雲谷雜記卷首

侍郎徐公帖

邦憲已贊開藩之慶。茲不重敘。彝儀輒有拜稟。縱陽張監鎮。其先中華人。自其祖寓武義。邦憲與之鄰居有年矣。知其篤行好學。博讀古今之書。近世無與比者。真所謂後生可畏者也。邦憲心甚敬之。折行輩而與之交。比以貧甚急祿。不暇擇木。挈老母攜諸弟以行。乃天假厚幸。得趨走於教令之下。敢望台慈借之從容。扣其所蘊而眇睠之。必有取知者矣。其天姿恂恂謹畏。若怯懦無能發明者。然其中所蘊。殊非凡近。願年丈特垂異顧。幸甚。

紹熙甲寅。予侍先大夫還自酉陽。寓居於婺之武義。故寶謨閣待制徐公。實里人也。尙氣節。重唯諾。不妄交於人。一日。忽過予。一見之如平生歡。予爲賦詩云。五花麟駒鬪飛雲。鳴珂敲月曙色分。晨光炯炯照玉勒。華風燿燿生衡門。磊磊落落萬人英。氣射斗牛貫九精。筆扛龍文百斛鼎。鯨吐鼉擲風雨驚。英辭琳瑯潤金石。寒芒正色如明星。淫哇亂雅快一掃。英莖韶護重鏗鐃。質高氣大聲必廣。古來才士豈虛名。我嗟壯歲困五窮。終年齷齪文字中。絕編

壤簡徒自苦。炊沙鑊水初何功。志高意廣材不足。奴輩豈特笑孔融。龍潛虬肆亦物理。草廬未必非英雄。天生我材必有用。誰能使與朽腐同。願得側翅附鴻鵠。追風掣電凌太空。公曰。是篇置之李賀詩中。誰復能辨。君少年俊邁如此。我當退處一頭地矣。因是遂爲忘年交。嘉定癸酉。予自龍舒歸。公已出守九江。而數數寄聲問予還期。予時將以所記書傳疑事。往質正焉。未果而公卒。予方痛悼。有以公貳冬官時。與龍舒趙使君帖示予。讀之悲益不自勝。趙使君中道易守新安。予不及識之。而楊敬之逢人說項斯之意。似不可忘也。悲夫。天胡爲奪予良友之遽也。九原不可作。予之所疑者。誰與折衷之。昔季札以寶劍許徐君。未及獻而徐君死。乃以繫冢樹而去。從者曰。徐君已死。尙誰與乎。季子曰。始吾心已許之。豈以死背吾心乎。輒以公帖冠之卷首。是亦季子于徐君之意也。嘉定甲戌張悞書。

雲谷雜記總目

目錄

卷首

卷一

管子(一)

說苑新序載事不同(一)

鵬冠子(二)

和璧(三)

管子篇名(四)

望祭舜(五)

秦刻石文(五)

蕭何營漢宮(五)

蘭蕙(六)

又一則(七)

又一則(八)

太公九府(八)

漢武立幼主(二)

樓船戈船(三)

甘泉玉樹(三)

蘭亭序(三)

唐爲李廣後(二四)

紫荷囊(二五)

卷二

龍鬚(二七)

唐初人名字(二七)

本草(二八)

慈恩寺(二八)

中和節(三〇)

雙陸(二〇)

新唐書不載詔令(三)

擊壤(三)

馬肝石(三)

漢武內傳(三)

姓不蕃(二三)

袁客師(二三)

韓荊州(二三)

中興頌(三四)

白接離(三四)

退之評孔墨(二五)

姚鉉文粹取段去韓(二五)

韓文(三六)

嘉話錄詆韓(三六)

石鼎聯句(三七)

開口笑(三八)

杜荀鶴詩(三八)

以字爲名(三九)

字諱易音(三九)

同直郎(三) 廣韻(三一)

卷三

三

太宗識見(三)

孝宗誕生(四)

宗子預科舉(三)

太祖達生知命(三)

艮嶽(三)

年號(三)

州縣用年號名(七)

京城侵竊之弊(七)

稱相印(元)

人之識見(元)

崔府君(元)

神泉(元)

祈夢(四)

徐珵詞(四)

讀書所嗜不同(四)

二疏(四)

石鼓文(四)

韓魏公身後名德(四)

韓定辭(四)

蘇詩注不詳(四)

蘇詩用典(四)

疑擬二字(四)

虎頭州(四)

化鶴事有二(四)

米元暉(四)

青奴山礬(四)

卷四

五

玉藥花(五)

又一則(五)

魚袋(五)

老人授官(五)

文中子門人(五)

戊字音(五)

年號鑄錢(五)

明字亦從日(五)

呼矢爲箭(五)

一瓠千金(五)

遊靈芝宮(六)

大耐官職(六)

取進止(六)

男女拜禮(六)

寧馨(六)

鮑欽止贊(六)

宰相問生事(六)

史浩眷遇(六)

夢閱榜(六)

李光詩(六)

李孟博死於瓊州(六)

宸妃(六)

鄭僑夢(六)

刊書擅改字(六)

文士厭求索(六)

王象先作畫(七)

莫芝(七)

卷末……………七

張右史特薦狀(七) 章尙書舉充學問該博可備顧問科奏狀(七) 蕭尙書舉充學問該博

可備顧問科奏狀(七) 趙尙書舉充學問該博可備顧問科奏狀(七) 楊楫跋(七)

章穎序(七) 葉適跋(七) 張渙自跋(七)

補編卷一……………七

臚句傳(七) 紫蓋黃旗(七) 玉帳(七) 月令字誤(七) 書後押字(七)

太祖達生知命(八) 上祭于畢(八) 宰予之枉(八) 藏金石刻(八) 神道(八)

飲茶盛於唐(八) 門下(八) 鸞桃(八) 木劍(八) 溫公得人心(八)

登聞鼓(八) 壽山良嶽(八)

補編卷二……………九

聯句所始(九) 人事物(九) 蒜髮(九) 關羽印(九) 無置錐地(九)

稱臣呼卿(九) 稱萬歲(九) 崔豹(九) 斷屠(九) 劉歆顏游秦有功於漢書(九)

檄書露布所始(九) 魚雁傳書(九) 黃庭經(九) 又(九) 竹之異品(九)

佛書(九) 刀耕火種(九) 鐘鳴漏盡(九) 燕脂(九) 孝宗聖德(九)

干姓(九) 二赤松子(九) 諡號(九) 五大夫(九) 禮部韻(九)

堯九男(二九)

二洪崖先生(三九)

阿堵(二〇)

後漢人亦有二字名(二〇)

酒名齊物論(二二)

蔗字(二二)

避忌諱字(二三)

以上總計一百四十七則。內壽山艮嶽、太祖達生知命二則。因詳略不同。兼收入書。實得一百四十五則。張宗祥記。

雲谷雜記目錄

卷首

書帖識語

卷一

二十三條

卷二

三十九條

卷三

三十一條

卷四

三十一條

卷末

奏狀四篇

題跋四篇

臣等謹案。雲谷雜記四卷。宋張謨撰。謨字清源。婺之武義人。其里貫見于金華志。而陳振孫書錄解題又稱爲梁國張謨。蓋本開封人而僑于婺者也。舉紹興二十七年進士。初補將仕郎。主管吏部架閣文字。舉備顧問。紹定元年。以奉議郎致仕。當時稱其學術淹通。紀問該洽。著述甚富。今所續施宿會稽志。抄帙尙存。而此書宋藝文志文獻通考皆不著錄。惟文淵閣書目載有一冊。其本亦久佚。世已無傳。今從永樂大典中採撮得一百數十條。別有徐邦憲書帖一首。及謨識語一則。乃當時冠于卷首者。又有楊楫章穎葉適後序三篇。及謨自跋一篇。尙皆完善無缺。謹依類排次。釐爲四卷。而取書帖序跋。分載首末。以略還原本之舊。宋人說部。著錄紛繁。大都撫異矜新。無關典據。惟洪邁容齋隨筆。辨證名義。極稱精核。爲稽古者所資。誤此書實踵邁書而作。蓋能專爲考據之學者。其大旨見于自跋中。故其折衷精密。考訂詳明。于諸名家著述流傳。皆能析其疑而糾其謬。如論蕙之非零陵香。而駁邵博見聞錄之舛。論王羲之換鵝。實有黃庭道德二經。而斥蔡條西清詩話之非。引董德元言。證蘇軾詩虎頭城之爲虔州。引曾慥百家詞。證虎兒爲米友仁字。而摘施宿任淵二家所注之誤。其釐訂是正。確有據依。實足爲學者殫見洽聞之助。宜當時極重其書。而葉適後跋。以謨所論泊宅編

花書名一條。義有未安。別存商榷之語。誤併存諸卷中。其一時朋友質疑問難。切磋相長之意。足以想見。是皆有可取也。乾隆三十九年十月恭校上

總纂官侍讀臣紀昀

侍讀臣陸錫熊

纂修官編修臣吳壽昌

雲谷雜記卷一

宋張 渠撰

管子

管子。固管仲所著也。今考其書。非特出于仲。後人從而附益其說者有之。戒篇云。管子卒云云。桓公薨。六子皆求立。易牙與衛公子豎刁。因共殺羣吏而立公子無虧。孝公奔宋。宋襄公率諸侯以伐齊。戰于鹹。大敗齊師。殺公子無虧。立孝公而還。又小稱篇。桓公曰。死者無知則已。若有知。吾何面目以見仲父于地下。如此之類。皆後人附益。

說苑新序載事不同

說苑。趙簡子游于河而樂之。歎曰。安得賢士而與處焉。舟人古乘跪而對曰。夫珠玉無足。去此數千里。而所以能來者。人好之也。今士有足而不來者。此是吾君不好之乎。趙簡子曰。吾左右客千人。朝食不足。暮收市征。暮食不足。朝收市征。吾尚可謂不好士乎。古乘對曰。鴻鵠高飛遠翔。其所恃者。六翮也。背上之毛。腹下之毳。無尺寸之數。去之滿把。飛不能爲之益卑。益之滿把。飛不

能爲之益高。不知門下左右。客千人者。有六翮之用乎。將盡毛毳也。新序。晉平公浮西河。中流而歎曰。安得賢士與共樂者。舟人固桑進對曰。君言過矣。夫劍產于越。珠產江漢。玉產崑山。此三寶者。無足而至。君今苟好士。則賢士至矣。平公曰。固桑乎。吾門下食客者三千餘人。朝食不足。暮收市租。暮食不足。朝收市租。吾尙可謂不好士乎。固桑對曰。今夫鴻鵠高飛冲天。其所恃者。六翮耳。夫腹下之毳。背上之毛。增去一把。飛不爲高下。不知君之食客。六翮耶。將腹背之毳也。二書皆劉向所輯。二說相類如此。疑本一事。所傳不一。故有簡子平公之異。向兩存之。豈示傳疑耶。

鵽冠子

鵽冠子。漢藝文志云。楚人。居深山。以鵽爲冠。既不知其名。又不知其爲何時人。然其書時稱燕將劇辛。按辛趙人。周赧王三年。始自趙至燕。則鵽冠子當又在其後。不然。則與之同時。書在唐十六篇。賈誼鵬賦嘗取之。唐初李善注文選。復多引用。以二書參訂。稍稍可讀。韓退之云。其博選篇四稽五至之說當矣。使其人遇其時。援其道而施于國家。功德豈少哉。學問篇稱賤生于無所用。中流失船。一壺千金者。余三讀其辭而悲之。其見稱如此。而柳子厚以爲言盡鄙淺。惟賈誼鵬

賦所引用爲美。意好事者所爲。反取鵬賦以文飾之。太史公伯夷列傳稱賈子曰。貪夫殉財。烈士殉名。夸者死權。不稱鵩冠子。遷號博極羣書。假令當時有其書。遷豈不見耶。子厚所見。與退之不同。予觀其世兵篇。有云變化無窮。何可勝言。水激則悍。矢激則遠。精神回薄。振盪相轉。遲速止息。中必參互。同合消散。孰識其時。至人不遺。動與道俱。縱驅委命。與時往來。盛衰死生。孰識其期。儼然至湛。孰知其尤。禍乎福之所倚。福乎禍之所伏。禍與福如糾纏。渾沌錯分。其狀若一。交解形狀。孰知其則。芴芒無貌。惟聖人而後能決其意。幹流遷徙。固無休息。終則有始。孰知其極。以上雖多爲賈誼所采取。文辭奇古。與鵬賦自不同。子厚謂爲僞書。若他篇固不得而知。如此篇恐後人筆力未易至此。子厚又以貪夫殉財之語。不爲太史公所稱。按胥士之殉名。貪夫之殉財。此自列子之辭。獨夸者死權一語。見于鵩冠子。賈誼實合二書以成文爾。太史公謂爲賈子云則可。謂鵩冠子云則非矣。蓋子厚一時亦不審上文非鵩冠子語。遂至于誤。原注。胥士殉名。貪夫殉財。謂爲列子之辭者。此李善注文選所云。今列子中無此語。善不應誤。當是近世本有脫誤耳。

和璧

韓子。楚人和氏。得玉璞于楚山中。奉而獻之厲王。王使玉人相之。曰。石也。王以和爲誑。而刖其

左足。及厲王薨。武王卽位。和又奉其璞而獻之武王。武王使玉人相之。又曰。石也。王又以和爲誑。而刖其右足。武王薨。文王卽位。和乃抱其璞而哭于荆山之下。三日三夜。淚盡而繼之以血。王聞之。使玉人理其璞而得寶焉。遂命曰和氏之璧。按楚世家。熊通自立爲武王。是楚之王自熊通始。其先初無所謂厲王者。豈卽其兄蚡冒耶。今始置而勿論。且以武王初卽位之年言之。是歲爲周平王之三十一年。歲在辛丑。至文王初卽位之年壬辰。已五十二年矣。若加以厲王。當不止于此。和雖三獻。不應歷年如是之久。疑有舛誤處。然此事見于他書者。亦多異同。新序無文王而有共王。淮南子注。及前漢鄒陽。並後漢孔融。及陳元三傳注。俱無厲王。而有成王。又。趙壹傳注。引琴操。又有懷王及子平王。其不同如此。旣無明據。不敢以臆見定其是否。但武王至共王已六世。幾于百年。平王在懷王之前。相去甚遠。初非父子。此乃謬妄顯然者。

管子篇名

太史公管仲贊曰。吾讀管氏牧民。山高。乘馬。輕重。九府。詳哉其言之也。司馬貞索隱曰。皆管氏著書篇名。九府蓋錢之府藏。其書論鑄錢之輕重。故云輕重九府。予按。輕重與九府。自是兩篇名。貞但見李奇以圜法爲錢。故指九府爲錢之府藏。謂輕重爲論錢之輕重。遂合輕重于九府。非

也。九府篇劉向時已亡。而輕重篇今固存也。貞略不致審。何其疎之如是耶。

望祭舜

秦始皇三十七年。至雲夢。亦嘗望祀舜于九疑。武帝遵秦故事也。

秦刻石文

觀泰山刻石。益知金石刻之可貴。而史傳傳寫舛謬。誤人多矣。然此文率以四字爲句。今史或有五六字爲句者。如廿有六年。史作二十有六年。親軋遠黎。史作親巡遠方黎民。疑太史公所衍。未必盡是傳寫之誤。要之。此乃秦本文。豈容以意增損哉。

蕭何營漢宮

蕭何營未央宮。因龍首山製前殿。建北闕。其宮週迴二十餘里。街道週迴七十里。臺殿四十三。欲令後世無以加。故極其壯麗如此。未百年而武帝增以金鋪。玉戶。華櫨。璧璫。雕楹。玉碣。重軒。鏤檻。青瑣。丹墀。左城。右平。黃金爲壁帶。間以和氏之珍。又起高門武殿於中。只未央一宮。所